



故宮珍本叢刊

編年考·蘭雪堂古事苑

故宮博物院編 海南出版社

故宮珍本叢刊第 504 冊子部類書類

故宮博物院編

編年考

蘭雪堂古事苑定本

海南出版社

圖書在版編目(CIP)數據

故宮珍本叢刊.第504冊,子部.類書/故宮博物院編.-影印本.-海口:海南出版社,
2000.12

本輯包括:編年考/(清)沈球輯·蘭雪堂古事苑定本/(清)鄧志謨編

ISBN 7-80645-874-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75812 號

故宮珍本叢刊第 504 冊

子部·類書

編年考 蘭雪堂古事苑定本

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:33.5 印數:1-400 冊

ISBN 7-80645-874-3/Z·41

定價:5240 元(子部類書 33 種共 33 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

編年考序

編年者何以事繫日以日繫月以月繫歲此所謂編年也編年考之爲書者何以歲繫人以人繫事而月日不必考則不可謂之編年然以人之盛衰始卒貴賤賢不肖皆分繫之乎年雖謂之編年亦可也雲間沈坤仙氏實成此書其子麟字友聖以詩名則余友也友聖之言曰吾父名不出里巷躬耕十年而成此書願請先生一言序其簡端且吾父嘗以謂麟曰吾之爲此書蓋以自警且教爾也吾見古人之生而神

編年考

吳序一

懷德堂

靈少而穎異則未嘗不蚤望爾之成也其或年未強仕貴至三公揭節垂組立功立事則未嘗不望爾之顯且有所建豎也若夫鹿裘帶索之叟或荷鋤終身或鈔書千卷吾蓋以此自勗而默數其齒則吾固已衰矣麟也再拜受教今以遭時不偶父子負耒長隱于田間而吾之壯盛日已過吾父之篤癯日已及將其平生著述無以傳示乎來世願以是屬之先生余應之曰子知古人編年之道乎夫紀載之存疑傳聞之失實未有不始千年者也三皇之前皆萬有餘歲

其言荒遠不經卽其後言之外丙二年仲壬四年一

以爲改元一以爲紀歲則失之譌文王百歲武王九十歲而謂文以其三子武則失之誣且以孔子之生年卒月而三傳史記所載已酉庚戌已卯之異其年十月十一月四月五月之異其月已丑乙丑之異其日其不可考者一也老聃莫知其所終或言百有六十歲或言二百餘歲其不可考者二也長狄榮如歟于魯桓十六年而其兄焚如以宣公十五年見獲于宋相去百有三歲其不可考者三也以家語按之伯

編年考

吳序二

懷德堂

魚之卒宜在顏淵後而論語說謂在其前其不可考者四也夫春秋者編年之書也史記者繼編年而作者也今以二書叅互徵考而其譌舛乃至于此安知後之史家繼千百年而作者其紀元年表無傳聞異辭者乎又安知名人鉅儒私門紀載弟子傳述所謂年譜者其說果可盡信乎而沈氏獨能佃漁百氏錯綜萬家以成此書其道固非以爲編年也誠以書簡脫誤傳寫乖錯有見乎編年之難而特借一端搜羅考索以輔其所不及且又父子二人帶經而鋤窮居

著書樂道不倦後之人考其年月孰謂是書之無所裨益乎余所以謂之編年者蓋以此歟其可傳也已

梅村吳偉業題于舊學菴中

編年考

吳序三

懷德堂

編年考序

王子曰古之紀事者必編年所以考較功績勸厲君臣也其法人與事皆重杜征南以爲表年首事日月相繫以紀遠近別異同則事重重事而輕人古史之

義亡其半矣洪範曰王省惟歲卿士惟月師尹惟日天子朝摺大圭五采而脩陽政及夕黼衣三采而糾天刑歲終而計會曰余一人在位一年矣何事可書畏左右史如敵國諸侯朝脩天子之業命夕省其典測皮弁而聽朔于太廟曰是月也何事可書大夫士

編年考

王序一

懷德堂

朝脩其職夕序其業玉聲而出玉聲而入曰是日也何事可書幼無童心壯不嬉宴老而猶箴儆于其國夫然後上下相兢于善而保艾其國家也自司馬氏變編年爲列傳士君子一二事之善可以槩其生平莫不弛然有自足之心而日月積累之功于是乎忘吾郡沈坤仙先生倣古編年之義著書十卷其法自初生以至百歲凡歷代名人事蹟齒序可考者皆隨年記之命之曰編年考周書曰日會旬修月完不忘大戴禮曰三十圓十而無藝則無藝矣五十而不以

善聞則無善矣二者先生著書之旨也昔在六朝專以紀年爲事淵東王年十七見武帝帝曰孫策在江東矣袁淑謁彭城王義康義康問其年對曰鄧仲華拜衮之歲又問曰陸機入洛之年雖取給辭令近于文華然俯仰古今猶有競美前賢之意今之學者闕而不詳辭令則無以爲文學古則無以爲質君子其何取焉美哉先生之爲此也其文可懷其質可敬也先生篤學厲行志在古人爲此書以教其子友聖一年視離經辨志二年視敬業樂羣嘗畫歲月而董戒

編年考

王序二

懷德堂

之今友聖高才絕學十歲通經史二十工詩賦三十而名滿天下其不負公之教也夫

同里後學王光承拜題

編年考序

友聖以書貽予其畧曰麟本放廢之士遂承先生千古之知雖未得附于門牆而忝與貴門人爲管鮑是亦私淑龍門者也門人爲誰吳駿公也抱其父書曰編年考者問序于余余觀其書真得春秋史記之遺意且序已詳可無述惟是此書端爲教子而設則其父子作述之間豈非千秋不朽之業亦猶遷之有譚固之有彪山奚可無言易曰積善之家必有余慶言天之福善人也詩曰愷悌君子神所勞矣言賢之

編年考

李序一

懷德堂

必有後也有後莫如子之貴而父子躬耕力學不願貴福善莫如子之達而父子隱居求志不期達若是者何也友聖業先自言之矣槿之植也朝榮而夕悴畏其不久松之產也歷千年而彌茂經歲寒而不凋慕其永耳若是可不謂賢乎福在是豈世人之所謂福乎古人以德養不以祿養其此之謂歟余因是而有感于世人之父子方其離經辨志之時不日讀書行道而曰得君懷祿父子之間朝夕經營蚤作夜思無非以富貴利達爲念又何有于望古懷賢著述不

朽之計乎彼蓋欲以子爲羔鴈贊于朝而身誇耀平里間以爲宗族交游光寵家溫食厚錦綺紈袴鐘鳴鼎食豈非盛事且藉藉然朝夕而跋望之曰安得吾子貴顯如是而吾願畢矣卽有一跌而赤吾族之禍不之恤也噫亦愚矣哉子達而賢減子貴而福衰則亦未明于福善禍淫之理矣孰若坤仙父子偕隱甘旨供養承歡膝下怡愉一堂讀書譚道慕古懷賢之爲至樂乎天下人之親莫親于父子之親天下人之樂亦莫樂于父子之樂人情聚則樂離則思思之不見則感歎而欷歔詠懷而睠顧此在朋友且然而況于父子之間乎故吾爲坤仙父子致美又爲友聖父子致妬思吾夙昔之未獲此樂也集編年其一事耳昔李邵博學隱德有子曰固晁君成知足無求有子曰補之蘇子瞻題其集曰有其實而辭其名者有後此爲大福吾于坤仙斯集亦云

南州李明睿拜手謹題

編年考

李序二

懷德堂

編年考序

雲間沈徵君坤仙望古逢集博極羣書搜採人生一歲以及耄老書言故事釐爲一編名之曰編年昔者陸平原作百歲歌具言人之自少至老童穉龍鍾之情狀謂吾人行樂修道皆當及時不當悠悠視蔭坐失隙駒也徵君編集之意殆亦如此余學佛之人也每讀首楞經波斯匿王謂豈惟年變亦兼月化剎那剎那念念之間不得停住則知畫年作觀尚是一往鹿浮由是而窮極剎那如古德所謂疾炎遇鋒奔流運刃當觀是身猶如畫水織經如碓上下庶不虛度此日月也若夫浮世脩短何足把翫趙州八十方行脚辦草鞋錢而寶掌和尚發願住世千歲以視世之扶杖祝嘏祝延百年者不亦彼此異致乎彭祖年八百餘斟雉羹以饗帝而莊生悲其以久特聞不知大椿之以八千爲春秋以窮劫觀之亦猶夫晦朔也吾老矣不能效吾祖繫腰觀井爲後生所笑因觀徵君譜聊書此以爲吾祖解嘲徵君當爲點筆一笑也順治丙申重九虞山蒙叟錢謙益書於海上皆春堂

編年考序

懷德堂

編年考序

余在苒苒京塵支離史苑閱長至者且三十有二于茲矣同郡吳同卿偶以編年考持示曰此雲間沈坤仙氏所輯也前言往行顓若列眉挾其指趣以自勵因以誨子余對之憮然夫逝水移晷無新不故隙駒留序積古得今流俗之以遐齡侈瑞是以向促譌脩景也卽以一身論鷺彌伺慧恍隔代他人龍鍾影形竟夢幻遇我生平可自據者何在余季父有云木槿朝暮靈椿春秋榮落一也茹艸衣皮羞珍服錦飽溫一

序

懷德堂

也寧脩潔而顏晷母豐憑以距年抑世之掠浮名貪附美誤脂毒之口實作癡骨之妍皮謂齟齬而期順猶未艾也斯達人有臨化喪寶之嘆外其身而身存之詔與沈氏友聖父子逃名却美能不汨汨于流俗鏡往鼎來惟日不足其孝友相承圖史適志余同官涿鹿虞山南州梅村諸君子序之詳矣余嘉其歲省之功符于伯玉覽是編者進而日省師曾惜寸師禹惜分師陶庶無忝所生克以實蹈反魯陽之戈乎

哦哦逸史胡世安題于燕都蜀館之客竹居

編年考自序

球吳中鄙人也幼而孤老而鰥學疎才拙文質無所底穿東郭之履披原憲之衣行歌負薪并日而食面目黧黑人或謂余病而自知爲貧蓋已久矣當大妻風苦雨炊烟幾廢而閉戶嘯歌偃臥繩床晏如也卽爲宗族鄉里所嗤笑勿顧離居僻處甘與艸木同腐亦安所事文爲然古人云太上立德其次立功其次立言雖建豎之業不同而沒世之稱則一耳余旣德涼於行功違於志卽欲立言而又病未能也尼父曰

編年考

自序一

懷德堂

言之不文傳之不遠則余安能言哉間嘗竊取老彭之義撰錄古人往蹟可爲我師法者編成一書首自庖犧迄於勝國各以其年而類聚之題曰編年考以此自勵復以教兒麟我聞文王囚羑里而演易孔子厄陳蔡而刪詩靈均放而離騷者不韋逐而呂覽作韓非困而說難楊雄貧而草玄虞卿所謂窮愁著書故古聖賢處於顛沛患難之際未始不假述作以舒其憤懷苟有志者烏能已乎余也不幸而生當百六亂離未定我心之憂歲月逾邁不有著述何以遣我

窮愁耶且上古之世元氣未漓人壽多永中古之風
元氣浸薄人壽不長而古今人壽之折衷要唯以百
爲度此余編年止于百也夫書之所作貴乎裨益當
世垂教後人書曰人無于水鑑當於民鑑以我所歷
之年較于前賢之歲彼之所得我之所失賢乎否乎
始于立志終于成德賢者師之否者耻之汝唯夙興
夜寐無忝爾所生我以此教汝汝唯勗哉余日望汝
賢以慰我志則余雖邁又何憂乎而書之裨益當世
垂教後人則余安敢望哉書成於余杖鄉之歲叙此
編年考

自序

懷德堂

以見球之志云

順治辛卯黃鐘月之晦前一日六十塾老沈球識於

抱膝廬

編年考序

家君撰編年考書越十祀易三稿其書始就上邇伏
犧下迄元明凡賢人君子之蹟或始生之祥或彌月
之瑞週歲至百其年可考者皆取而編之或載其名
言或述其道德或詞令可嘉或事功可尚無不紀云
茲書告竣家君命予小子卒業焉小子再拜受讀如
困得達如疾得愈如遊京師宮室人物車馬軒冕禮
樂文章珍玩奇異靡不備矣目爲之明耳爲之聰其
樂也雍雍又如遊名岳卉木鳥獸神仙泉石瓊瑰琅
編年考序

懷德堂

玕金泥玉簡靡不具焉目爲之遠耳爲之曠其樂也
蕩蕩又如遊玄海蛟龍珠貝蓬島仙怪巨魚大鳥偉
人尤物靡不宅此目之未睹耳之未聞其樂也紛紛
以之學道德則可以師友思孟同堂顏閔以之資清
談則可以奪塵王謝把臂嵇阮以之供文藻則可以
軼駕應劉並驅潘陸以之效經濟則可以指揮蕭曹
伯仲伊呂於是小子掩卷而歎曰家君教誨之心極
矣茲書之業巨矣有是書而不得布通都達國門使
大人君子表揚家君之功猶無聞焉固小子之罪也

客或謂曰子何不揚名王庭顯身當世顯親祿養舍茲不圖自放江海嘯歌歲月耕釣娛志抑亦末之務歟小子謝曰客未審夫槿與松乎夫槿之植也夕培而辰生朝榮而暮悴余豈不知其榮也畏其不久耳松之產也歷千年而彌茂經歲寒而不凋余豈不知其遠而不可待也慕其永耳以視今日之顯名者槿乎松乎余何艷乎客退余懷是書過婁東求序於梅村先生蓋先生余之知己也先生嘉其書之必傳樂爲之序余家君暨小子隱志先生爲余著之亦猶

編年考序

懷德堂

男麟百拜謹述

編年考後序

舅氏坤仙沈公生辰不偶抱鬱著書下帷二十年而成蓋以自警以鑒後世使讀之者開卷易省少陵有云薰然耳目開使我聰明入此書是也丁酉秋八月公將書命余曰我子志在四方惟爾能潛心校訂勿忘我托也是歲孟冬二日公卽去世公豫知逝期戊戌秋友聖抱父書走京師輦上諸公無不爭重其書謂古今未有之秘也因有二三鉅公欲傳單謀刻焉友聖謝而不敢受也旣而歸南閉關郊外適隣臺顧

後序

公按臨修式廬之典于旄及郊論文話舊傾動一郡公坐草堂歎曰清風苦節安貧樂道此真獨行君子也遂贈四字旌間時顧公復兩移文於藩司修公會刻編年考而友聖並受置之沉閣不達客或謂曰此乃千古異事可以致富友聖謝曰非吾志也時人皆傳笑爲迂也又十年兢兢業業惟恐負公之托耳今以累積心血并變負郭數畝共成此書可以不愧余之諾矣夫

康熙壬子季春朔日題于獨行堂 彭淑少君百拜

沈坤仙徵君像



淮南龔鼎孳拜書

編年考

像

一 懷德堂

坤仙沈徵君像贊

承家孝友寓志逍遙隱非山澤隱謝市朝顏蠲不得
加以車肉堯夫奚自擾以漁樵不擇地而杖屨何求
多平簞瓢獨溯跡雲間之野鶴僉舉似編摩之老饕
或有聞名而冀炙範者庶展對此頰上之三毛

西蜀老史胡世安書

像贊

書就編年甲子新柴桑松菊義熙人東都名士淪亡
後苦憶風流折角巾

其二

士龍詞藻盛雲間皂帽藜床晚更閒遺草莫同刊禪
進長留奇字護名山

淮南龔鼎孳拜題

角巾布袍素髮青氈師友百世枕藉一編運會包羅
古今貫穿汲冢之後再覩紀年輟簡甕中埋書樹邊
南村邈矣今有人焉其人爲誰沈氏坤仙

壬寅仲春東澗遺老錢謙益贊

編年考

像贊

二 懷德堂

聽鶴涉柘湖而采蓴有尚書爲之友曰蕭子雲有布
衣爲之子曰沈休文吾不能定其爲放達爲沉淪庶
幾追步於輟畊之讀而不愧乎織簾之貧者歟

梅村吳偉業題

而貌蒼然而目炯然而頽然然而願然然而體肅然
而冠服飄然吾嘗讀其編年一書矣意存乎訓世友
愛其後人矣志繼乎獨行博綜萬卷而樹幟風雅其
先生之逸韻也耶

甲辰孟秋晴川後學顧如華拜題

竹杖紗巾穆穆闇闇斯世斯人也其有契乎無懷葛天之民也歟胸中破三萬卷下筆無一點塵紀事編年流遷漂固徵君待詔安車蒲輪藏名山之慧業佔學海之迷津表章吾道永鑒人倫蓋可以典型是遵矣亦奚羨夫麟閣貌像黃金鑄身者乎

青溪史氏程正揆題

眸穆者其容逍遙者其象桃源栗里之身野鶴孤雲之况蓋嘗讀其紀年一書而識其天懷之所尚世之知徵君者求之於胸襟而不知徵君者求之於布袍編年考

像贊

懷德堂

幅巾芒鞋竹杖噫嘻皮相已非而况紙上

西廬老人王時敏題

有那儲清九峯若髻鍾斯潛德挺冶羣藝甲子成編腐史齊拜其迹則爾中乃無際泰宇含輝與物偕閉孰壽縹囊金石不敝吾懷若人潛然欲涕弗曳華裾而紉巖荔巖之榮矣可以觀世

橋李曹溶拜題

青門瓜地新種絕子規夜啼山竹裂羣書萬卷嘗暗誦神仙中人不昉得古人才大難爲用於我見子真

顏色必逢佳士亦寫真青山落日江湖白時危安得真致此罷酒酣歌闌金戟

江安後學王澤弘信筆集杜拜題

扶老斜支皂帽偏遺書一束賸編年雲山烟海藏名日誰辨無懷與葛天

江村高士奇拜題

編年考

像贊

編年考卷之一

雲間沈

球坤仙輯

男 麟友聖編次

孫 日新校字

初生

男子設桑弧蓬矢於門左詩曰維熊維羆男子之祥

乃生男子載寢之牀載衣之裳載弄之璋

女子設帨於門右詩曰維虺維蛇女子之祥乃生女

子載寢之地載衣之楊載弄之瓦

隋書男子始生日黃

編年考

卷一

一 懷德堂

太昊伏羲氏又曰庖犧其母神母居於華胥之渚履

巨人跡意動又有青虹繞之久而方滅卽覺有姪

歷十二年而生庖犧長頭脩目龜齒龍唇眉有白

毫鬚垂委地有龍馮負圖出河之瑞以龍紀官

黃帝有熊氏父曰少典氏母曰附寶見電光繞北斗

樞星感而孕二十五月而生帝於軒轅之丘因名

軒轅姓公孫國於有熊故號有熊氏時神農氏衰

諸侯相侵伐軒轅擒殺蚩尤於涿鹿諸侯推爲天

子屈軼生於庭鳳凰巢於阿閣麒麟遊於苑囿慶

雲見以雲紀官

少昊氏黃帝之子玄囂也母嫫祖又曰女節見大星

如虹下臨華渚旣而夢接意感生少昊及登位有

鳳凰之瑞以鳥紀官

顓頊高陽氏父曰昌意卽玄囂弟也昌意娶蜀山氏

之女曰昌僕是爲女樞見瑤光之星貫月如虹感

已於幽房之宮在妊十年而生顓頊於若水首戴

干戈有聖德

帝嚳高辛氏黃帝之曾孫父曰蟠極生而駢齒有聖

編年考

卷一

二 懷德堂

德初封辛侯代高陽氏王天下

帝堯陶唐氏帝嚳之次子母陳鋒氏女曰慶都於斗

維之野常有黃雲覆其上觀於三河常有龍隨之

一旦龍負圖而至其文要曰亦受天佑眉八彩髮

長七尺二寸面銳上豐下足履翼宿旣而陰風四

合赤龍感之孕十四月而生堯於丹陵其狀如圖

帝育於母家伊侯之國後徙耆故又曰伊耆氏國

帝舜有虞氏黃帝八代孫父瞽瞍母握登見大虹意

感而生舜於姚墟因姓姚目重瞳子後耕於歷山

以孝聞堯妻以二女禪帝位焉

大禹姓姁黃帝之玄孫顓頊之孫父名鯀母曰修已
出行見流星貫昴旣而吞神珠孕禹折墠而生禹
於石砌虎鼻大口兩耳參鏤首戴鈎鈴胸有玉女
足文履已後佐舜治水受禪國號夏

契母帝嚳之妃有娥氏女曰簡狄從帝祀郊禘與其
妹浴於玄丘之水見玄鳥遺卵吞之遂娠十四月
胸剖而生契長爲堯司徒封於商

棄之母帝嚳之元妃有邠氏女曰姜嫄助祭郊禘見

編年考

卷一

三 懷德堂

大人跡而履其拇歆歆然如有人道之感遂孕而
生男以爲不祥棄之隘巷羊牛避而不踐又置之
平林值人伐木而收之又取而置寒冰之上大鳥
以翼藉覆之姜嫄以爲異乃收養焉因名棄長而
辨菽麥爲堯稷官舜封棄於邠號曰后稷

湯母曰扶都乃契後十三世主癸之妃見白氣貫月
意感以乙日生湯號天乙名履豐下銳上瞽而顓
句身而揚聲長九尺臂有四肘是爲湯

伊尹母居伊水之上旣孕夢有神告之曰白水出而

東走無顧明日視白水出告其鄰東走十里而顧
視其邑盡爲水身因化爲空桑有莘氏女子採桑
得於空桑之中命之曰伊尹

文王昌母曰太任娠文王目不視惡色耳不聽淫聲
口不出敖言生文王而明聖君子謂太任爲能胎
教

老子姓李名耳字伯陽母懷之八十一年生生時剖
其母左腋而出首已白謂之老子又云生於李樹
下老子指其樹而言曰以此爲我姓又有老聃之

編年考

四 懷德堂

號老子黃色美脣廣額長耳大目疏齒方口厚唇
額有參牛達理日角月庭鼻骨雙柱足踏三武手
把十文俗以其久壽號老子所著九丹八石玉醴
金液治心養性絕谷變化役神使鬼之法

孔子名丘字仲尼其先宋人父叔梁紇兄孟皮病足
梁紇再婚顏氏名徵在禱於尼丘之山而孕懷娠
十一月生孔子於魯昌平鄉鄒邑誕生之辰有二
蒼龍自天而下神女擎香霧於空中以沐徵在先
是有五老列於庭又有麟吐玉書於闕里人家云

水精之子系素周而素王胸有文曰制作定世符

故二龍遶空五星降庭徵在以繡紱繫麟角

孔鯉生時魯昭公以鯉賜孔子遂以命名而字伯魚

關令尹喜生時陸地生蓮花

周太叔生時有文在手曰虞爲唐

季友初生時有文在手曰友爲魯卿

季友魯桓公季子也

鄭武公娶于申曰武姜生莊公莊公寤生驚姜氏因

名寤生

託生子而開目者曰寤生

漢高祖劉邦字季沛豐邑人也母媼嘗息大澤之陂

編年考

卷一

五 懷德堂

夢與神遇是時雷電晦冥父太公往視則見二龍

交於其上已而有娠遂產高祖高祖爲人隆準而

龍顏美鬚髯左股有七十二黑子寬仁愛人意豁

如也常有大度不事家人生產作業及壯試吏爲

泗上亭長廷中吏無所不狎侮好酒及色嘗繇咸

陽縱觀秦皇帝喟然太息曰嗟乎大丈夫當如此

矣單父人呂公善沛令沛中豪傑吏聞令有重客

皆往賀蕭何爲王吏王齎令諸大夫曰進不滿千

錢坐之堂下高祖爲亭長素易諸吏乃紿爲謁曰

賀錢萬貫不持一錢謁入呂公六驚起迎之門呂

公者好相八見高祖狀貌因重敬之引入坐上坐

蕭何曰劉季固多大言少成事高祖因狎侮諸客

遂坐上坐無所誅呂公因目固留高祖竟酒後呂

公曰臣少好相人相人多矣無如季者之相願季

自愛臣有息女願爲箕箒妾呂公女即呂后也按

劉氏出自帝堯堯之孫劉累高祖其裔也

蕭何感昂星精而生

張良感狐星精而生

編年考

卷一

六 懷德堂

漢文帝母薄姬初高帝召幸之姬曰昨夢蒼龍據吾

腹帝曰此貴證也吾爲汝遂成之一幸生文帝

漢武帝景帝子也未生之時景帝夢一赤彘從雲中

下直入崇芳閣景帝覺而坐閣下果有赤龍如霧

來閉戶牖宮內嬪御望閣上有丹霞蔚而起霞

滅見赤龍盤迴棟間景帝召占者姚翁以問之翁

曰吉祥也此閣必主命世之人攘夷狄而獲嘉瑞

爲劉宗盛主也然亦大妖景帝使王夫人移居崇

芳閣欲以順姚翁之言也乃改崇芳閣爲猗蘭殿

句餘景帝夢神女捧日以授王夫人夫人遂有娠十月而生武帝景帝曰吾夢赤氣化為赤龍占者以爲吉可名之吉

東方朔字曼倩平原厭次人母田氏寡居夢太白臨其上覺有娠母曰無夫而娠人將棄我乃移代都東方里居五月旦生朔其名氏以此既生後朔母養于兄嫂按漢武帝時西王母降武帝庭方朔爲柱下史王母謂帝曰我瑤池之桃三千年開花三千年結子三千年熟食指方朔言此兒已三偷食之矣

編年考

卷一

七 懷德堂

漢昭帝母鉤弋夫人趙婕妤手指不申及武帝選入卽開而有奇香遂有娠十四月而生昭帝亦多奇異命夫人門曰堯母門

漢光武生有嘉禾之瑞因名秀

漢大將軍竇武母初產武時竝大蛇送之林中後母卒及有大蛇自臻草出逕至喪所以頭擊柝涕血而去載異林

張道陵初生時其母夢見北斗第七星從化

爲一人長丈餘手中托一丸仙藥如鷄卵香氣襲人其母取而吞之醒來便覺腹熱異香滿室遂懷孕而生道陵

周燮字彥祖生而額頤折額醜狀駭人母欲棄之父曰吾聞聖賢多有異貌此兒必興吾宗者也果驗蔡邕字伯喈陳留郡人母初產時見張衡入蓋知邕實張衡後身也

孫堅母有娠夢腸遶吳門後堅果得吳地

孫策字伯符爲討逆將軍乃堅子也母吳夫人孕策

編年考

卷一

八 懷德堂

夢月入懷後生策竟霸江東

漢後王劉禪母甘夫人夢吞北斗臨分娩之時天香滿室經月不散故小字曰阿斗

曹丕字子桓母卞氏本娼家也操納爲妾懷娠生丕時雲氣一片青色圓如車蓋覆于其室終日不散望氣者對操曰此子貴不可言非人臣之氣也

晉元帝初生時有神光之異一室盡明及長白毛生于目角之左隆準龍顏目有精耀顧盼燁如史言帝出

牛嗣

晉桓溫字元子譙國入初生時溫瞻見之曰此兒有

奇骨可試使啼及啼曰果英物也故其父名之曰

溫從瞻姓示不忌也

桓玄母馬氏夏夜出月下有銅甕水在其側見一流

星墮甕中驚喜視星如二寸火珠於水底罔然明

淨乃曰此吉祥也以瓢杓接取星入瓢中便飲之

既而若有感焉

俄而懷玄

晉王鎮惡五月五日生家人以俗忌恐不祥令出繼

祖猛見而奇之曰此子狀貌超凡非常兒也必興

編年考

卷一

九 懷德堂

吾宗因名之曰鎮惡果大顯

太原溫盤石母懷身三年墮地便坐而笑髮覆額牙

齒皆具

載異林

宋武帝劉裕字德興小字寄奴彭城人母后張氏方

孕忽見庭前菖蒲花光彩非常驚報侍者皆云不

見后曰嘗聞見菖蒲花者當富貴因取吞之是月

生武帝將產之夕后見庭內若有衣冠陪列焉神

光之異室內盡明是夕甘露降于墓樹

陶弘景母郝氏夢兩天人手執香爐至其所已而有

娠以宋孝建三年戊申歲夏至日生襁褓中卽有異操

梁高祖蕭衍字叔達小字練兒蘭陵人母后張氏嘗

夢抱日已而有娠帝生而有異光狀貌殊特項有

浮光有文在右手曰武

南北朝王敬則誕生時胞衣紫色及長而兩腋下生

乳各長數寸夢騎五色獅子後與王儉同開府儀

三司儉曰不意老子遂與韓非同傳敬則忻然曰

我南沙縣吏僥倖得細鎧左右逮風雲以至于此

編年考

卷一

十 懷德堂

遂與王衛軍同日拜三公復何恨

寶誌公初東陽鎮朱氏聞木巢中兒啼收育之遂以

朱爲姓嘗對梁武帝食鱸帝曰朕不知味二十餘

年師何爲爾公乃吐出鱗尾依然今日下有鱸殘

魚

南北朝王訓生時其胞衣紫色後拜侍中

南北朝劉淵母夢服日精十三月而生淵爲五胡單

于嗣

劉聰母張夫人娠聰十五月而生聰字延明五胡稱